

**Protocol da la sezzüda dal Cussagl cumünal da lündeschi,
28 settember 2009, a las 20.00, acta 33**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon
Rico Zini (protocol)

Tractandas:

280. Protocol

Il Cussagl cumünal approva il protocol da la sezzüda dals 21 settember 2009, acta 32.

Protocol

281. Orientaziuns

1. Zuort

Il capo e'l schef da fabrica orienteschan sur da la sezzüda cun duos rapreschantants da la Fundaziun Mengelberg, Zuort.

Il cumün ha muossà invers els l'interess cha la gastronomia gnia manada inavant sco fin qua. Id es gnü decis ch'els hajan da preschantar ün concept co ch'els vezzan il futur da Zuort. A man da quel concept gnarà decis il proceder a regard la via, la lingia d'electric e quai chi pertocca la planisaziun cumünala.

Orientaziuns

2. Festa da 100 ons dal Quar

Georg Salomon orientescha cha'l comitè d'organisaziun saja stat illa Sesvenna. I's ha fixà il rom da la festa, chi vain fatta in Uina Dadaint. La Grotta da Cultura es l'organisatura e'l Cumün da Sent es il portader da la festa. L'import correspondent vain integrà aint il preventiv. La data da la festa es fixada pels 10 lügl 2010.

3. Piz Val Gronda

La realisaziun d'implants da skis vers il Piz Val Gronda da la vart dad Ischgl para da star cuort avant la realisaziun. L'unic problem chi han, es chi saja avantman pernischs da gonda (Alpensteinhuhn). Ils uffizis per la natüra as dostan perquai cunter l'intent. Rapreschantants da Ramosch e Sent han discutà quella problematica cun Ischgl.

282. Permiss da fabrica – Aita Dermont – Renovaziun chasa – Curtin 8

Sün dumonda da duonna Aita decida il Cussagl cumünal, in assenza dal capo, da dar il permiss per far la lavur seguaintamaing

1. Tenor la dumonda acclus al permiss.
2. Il Cumün inhascha üna taxa da trattamaint da fr. 300.--.

Permiss da fabrica,
Aita Dermont
Renovaziun chasa,
Curtin 8

283. Permiss da fabrica – à Porta Richard – Fanestras novas – Zuort (chasa dragun)

Sün dumonda da sar Richard decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il Cumün inhascha üna taxa da trattamaint da fr. 50.--.

Permiss da fabrica,
Richard à Porta,
novas fanestras,
Zuort

284. Sböz ledscha promoziun 1. abitaziuns e direcziun 2. abitaziuns

Il schef da fabrica orientescha al Cussagl cumünal in detagl sur da las correcturas fattas vi dal sböz da la ledscha. Il Cussagl cumünal piglia incunter las correcturas e decida da preschantar a la populaziun las müdadas, chi schliogerischen per part il fabricar invers la proposta dals 27 avuost 2009.

Ledscha 1.abitaziuns
e 2. abitaziuns

285. Diversas schefs

Diversas schefs

1. Lö per la faira da bescha

Il lö a Scuol ingio chi vain executà uossa la faira da bescha ais dispittivel. Cunter la faira in quel lö sun entradas plüssas reclomaziuns. Ün lö ideal füss gio La Fuorcha (terrain da Sent). Il Cussagl cumünal vezza il lö sco üna opziun pussibla e spetta fin cur cha la chosa vain plü concreta. Voul dir sün üna dumonda ufficiala.

286. Varia

Varia

1. Chasa da giarsuns d'Engiadina Ota

Tenor charta han da gnir sanats ils condots e'l s-chodamaint da la chasa da giarsuns a Samedan (cuosts totals fr. 1'300'000.--). Sün dumonda d'üna contribziun, ch'id es gnüda calculada a man d'üna clav da scumpart, decida il Cussagl cumünal da contribuir fr. 2'575.-- vi da quista sanaziun.

2. Sunteri

Il Cussagl cumünal deliberescha ün credit da fr. 500.-- per montar üna tabla pro las duos plazzas da parcar novas davant il sunteri. I vain muossà via per quant lönch chi's po parcar.

3. Colliaziun dal tren cul Vnuost

Als 2 october 2009 ha lö a Ftan ün'infuormaziun a regard quist proget. L'ESTAG invida als cussgliers e tuottas instanzas turisticas.

4. Local da prouva i'l schler da protecziun

La gruppa da musica Influenza dumonda schi nu gniss liber, davo fabbrichà il lavuratori, ün local per far musica aint il schler da protecziun.

Il Cussagl cumünal piglia la dumonda incunter. I's vezzerà quist on chi vain scha quai es pussibel o na.

Fin da la sezzüda: 22.45

L'actuar: